

Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

Cap. I. Proponitur quæstio de potestate temporali.

[urn:nbn:de:hbz:466:1-53860](https://nbn-resolving.de/urn/resolver.pl?urn=urn:nbn:de:hbz:466:1-53860)

De Potestate Pontificis in rebus secularibus & spiritu-
bus singularibus ad recte Guilielmum Bartolium prodit
599
anno coloniæ
1631 m. 8.

LIBER QVINTVS DE POTESTATE PONTI- FICIS TEMPORALI.

CAPVT PRIMVM.

Proponitur quæstio de potestate temporali.

RESTAT POSTREMA PARS DISPUTA-
TIONIS de Pontifice, que est de potestate ipsius
temporali, de qua quidem quæstione tres in-
ueniuntur auctorum sententia. PRIMA est,
sumnum Pontificem iure divino habere ple-
nissimam potestatem in vniuersum orbem
terrarum, tum in rebus Ecclesiasticis, tum in politicis. Ita do-
cent Augustinus *Triumphus* in summa de potestate Ecclesiæ
q.1.art.1. Aluarus Pelagius lib.1. de planctu Ecclesiæ, cap.13. &
multi Iureconsulti, vt Hostiensis in cap. Quod super his, de iu-
diciis; *Sylvestris* in summa de peccatis, verbo Papa, §.2. & alij
non pauci. Quin etiam Hostiensis vltterius progreditur. Do-
cet enim per Christi aduentum omne dominium principum
infidelium translatum esse ad Ecclesiam, & residere in summo
Pontifice, ut vicario sumini & veri Regis Christi, & ideo posse
Pontificem regna infidelium iure suo donare quibus voluerit
fidelium.

ALTERA non tam sententia, quam hæresis in altero ex-
tremo posita duo docet. PRIMO, Pontificem, ut Pontificem,
& ex iure divino nullam habere temporalem potestatem, nec
posse vello modo imperare principibus secularibus, nedum eos
regnis, & principatu priuare, etiamsi illi priuari alioqui mere-
antur. SECUNDO docet, non licuisse Pontifici aliisque Epi-
scopis accipere temporale dominium, quod nunc habent in

PPP 5 quas-

quasdam vrbes , & prouincias , siue eiusmodi dominium do-
natum eis fuerit , siue illud usurpauerint . Prohibetur in
diuinum , vni homini gladium spirituale , & tempore simul
committi . Ita docent hæretici omnes huius temporis , ac
præcipue Caluinus lib. 4. Institut. cap. 11. §. 8. 9. 10. II. 11. 12. &
Petrus Martyr in cap. 13. ad Rom. ac Brentius in Prologue
nis contra Petrum à Soto ; Magdeburgenses autem Centur.
lib. 2. cap. 4. colum. 435. ponunt inter notas Antichristi quod
Pontifex duos gladios gerat unde cunque illos habuerit . At
deinde Centur. 8. 9. 10. & 11. cap. 10. in vitis Pontificum de hoc
maxime eos reprehendunt .

T E R T I A sententia media , est Catholicorum Theologorum communis , Pontificem , ut Pontificem , non habere direc-
tè , & immediatè ullam temporalem potestatem , sed solum
spirituale ; tamen ratione spiritualis habere saltem inde-
ctè potestatem quandam , eamq; summam , in temporalibus .
Ita Hugo de S. Victore lib. 2. de Sacramentis p. 2. cap. 4. quo
sequitur Alexander Alensis 3. p. summæ q. 40. in 5. & 4 p. q. 2.
in explicatione Canonis Missæ , in illud , & pro Rege N. Ioh.
S. Bonaventura in lib. de Eccles. hierar. p. 2. cap. 1. Dumandis in
lib. de origine Iurisdictionum q. 3. in fine . Petrus ab Alaco
in quæst. de se sumpta , vtrum Petri Ecclesia fide confundatur .
Iohannes de Parisio in tract. de potestate Regia & Papali , ca. 6.
& 7. Iacobus Almain in tract. de suprema potestate Ecclesi-
stica cap. 6. Gabriel Biel in explicatione canonis Missæ l. 2.
Henricus de Ganda quo lib. 6. q. 23. Iohannes Dridio lib. 1.
de libertate Christiana , cap. 2. Iohannes de Turrecremata lib.
summæ , cap. 113. & sequentibus , Albertus Pighius lib. 3. hierar.
Eccles. Thomas Waldensis lib. 2. doct. fid. art. 3. cap. 76. 77. 78.
Petrus de Palude in lib. de potestate Ecclesiastica , Gauzianus
in Apologia cap. 13. ad 8. Franciscus Victoria relectione l. 9. 6.
de potestate Ecclesiæ , Dominicus à Soto in 4. d. 25. q. 1. amic.
Nicolaus Sanderus lib. 2. cap. 4. visibilis Monarchia . Natur.
Relect. in cap. Nouit. de Iudic. Notab. 3. Antonius Co-
bensis lib. 1. q. 57. dub. 3. & alij plurimi .

De S. T H O M A , quid senserit , non est tam certum . Num in
fine secundi sententiarum dicit , in Papa esse apicem virilique
potestatis . Tamen in cap. 13. ad Rom. dicit , clericos exemplis
atributis priuilegio principum secularium . & 2. 2. q. 40. art. 1.
dicit .

dicit, prælatos posse disponere de bellis solùm quatenus ordinantur ad bonum spirituale, qui est finis potestatis ipsorum. Ex quibus colligitur, eum non dissentire à ceteris Theologis.

Nos ergo tria tractabimus. PRIMO ostendemus, Pontificem iure diuino non habere directè temporalem potestatem. SECUNDO, habere eum aliquo modo, id est, ratione suæ spiritualis Monarchiæ, summam potestatem etiam temporalem. TERTIO, non esse contra ius diuinum, quod Episcopi habeant etiam actu, & directè iurisdictionem temporalem in urbes & prouincias sibi donatas à Regibus, vel alio iusto titulo acquisitas.

CAPVT II.

Papam non esse Dominum totius mundi.

V O D ad primum attinet, tria ordine probabimus.
Primò, Papam non esse Dominum totius orbis.
Secundò, non esse Dominum totius orbis Christiani. Tertiò, non esse Dominum ullius prouinciæ, aut oppidi, nullamque habere iure diuino iurisdictionem merè temporalem. PRIMVM docet expressè Ioan. de Turrecremata li. 2. summæ de Ecclesiæ c. 113. Papa, inquit, non sic est dicendus habere iurisdictionem in temporalibus, iure Papatus, ut dicendus sit totius orbis Dominus. Sic etiam Franciscus Victoria Relect. i. de potestate Ecclesiæ q. 6. Papa, inquit, non est orbis Dominus. Idem alij docent, & probatur, Papa non est Dominus earum prouinciarum, quas obtinent infideles; nam in primis Dominus Ioan. vlt. solùm oves suas Petro commisit: infideles autem nō sunt oves. **D**E **I**NDE, non potest Papa iudicare infideles. I. Cor. 5. *Quid ad me de his, qui foris sunt, iudicare?* **D**ENIQVE, infideles, principes sunt veri & supremi principes suorum regnum; nam dominium non fundatur in gratia, aut fide, sed in libero arbitrio, & ratione: nec descendit ex iure diuino, sed ex iure Gentium, ut patet ex eo quod Deus approbat regna Gentilium in utroque Testamento. Dani. 2. *Tu es Rex Regum, & Deus cœli dedit tibi regnum, & imperium, &c.* Matth. 22. *Reddite, quæ sunt Cæsaris, Cæsari.* Nota, Reddite, non donate, quæ sunt Cæsaris, id est, quæ iure